

جریدہ علمیہ

مشیت جلیلہ اسلامیہ نک جریدہ رسمیہ سید

محرم الحرام ۱۳۳۵ [*]

عدو: ۲۷

آیدہ بر نشر اول نور

اوپنچی سنہ

نطق افتتاحی 'سما یون صورتی



« محترم اعیان و مبعوثان : »

« اوچنچی دورہ اجتماعہ نک اوچنچی اجتماعنی دہا مساعد شرائط تحتندہ کشاد »
« ایدہ بیلدیکمدن طولایی جناب حقہ حمد و ثنا ایدرم . »
« کچن سنہ اجتماعنک سرکلرینہ طوغری اردوی شاهانہم تاثیر مہابتی عصر لرجہ »
« تاریخ عالمہ محسوس اولہ جق 'مانلی بر موفقیت احراز ایتمش پای تخت دولت و مقر »
« خلافتک قبولرینی آچق اوزرہ : ااق قلعه جوارینہ یرلشمش اولان انکلیر و فرانسز »
« اردولرینی ضایعات عظیمہ و یردیرہ ک فرارہ مجبور ایلشدی . استانبول و برلین »
« یولنک کشاد مسعودی اوزرینہ متفق اردولرلہ اتصال پیدا ایدن اردومزک کمال »
« شان و شرفلہ اکمال ایتدیکی بووظیفہ مہم ، متعاقب دیگر جہہلرہ سوقہ ایتدار »
« ایدلش ایسہدہ دشمنلر استانبول اوکنده 'وغرادقلری ہزیمتک انتقامنی بشقہ »

[*] مندرجاتنہ نظراً محرمہ قدر کلش اولان بونسخہ ۱۳۳۵ سنہ سی محرم نسخہ سی اعتبار ایدلشدہ .

ابونہ لک الہجقلری مقدارہ بو یوزدن خلل کلیہ جکدر .

« یرلرده آلمق حرصیله بیوک قوتلر تحشید ایدرک قوای امدادیه مزك ورودندن »
 « مقدم عراق وقفاس حدودلرنده تجاوزه کچمشلردی. دشمنك تفوق عددیسنه رغما مذکور »
 « جبهه لرده بولنان اردولر من خطوه بخطوه مدافعه ایدرک آلدقلى امره توفیقاً تدریجی »
 « صورتده چکلمشله ویدرپی یتیشن قوای امدادیه نك یاردمیله دشمنلرک استیلا لرینی »
 « هراییکی جبهه ده توقیفه موفق اولمقله برابر مقابل تعرضه ده کچمشلردر . بغداد اوکنه »
 « قدر تقرب ایدن دشمن اردومزك مقاومت دلیرانه و تعرض طاقت براندا زانه سیله »
 « دوچار هزیمت اولمش وبقیه السیوفی ایله اولجه احضار ایلدیکی کوة الاماره استحکامنه »
 « التجا ایده بیلمشدی محصور اردوسنی قورتارمق اوزره متادی قوای امدادیه ایله »
 « تقویه ایدیلن دشمنك آیلرجه دوام ایدن هجماتی اردومزك شیجعانه و فداکارانه »
 « مقاومتلری قارشوسنده عقیم قالمش کوة الاماره ده محصور اولان انکلیر جنرالی »
 « طاوسند » بتون هیئات ضابطانی واردوسیله عرض تسلیمیه مجبور اولمشدره فلاحیه »
 « اوکنده کی محاربه مدهشه ایله مشغول بولندیغی صرعه روسلر قومشومز ایران »
 « مملکتی استیلا ایده ایده جنوب حدودمزه تقرب ایتشدی انکلیر اردوسنی هزیمته »
 « اوغراتدقندن وکوة الاماره محصورینی اسیر ایلدکدن صکره اردومز روسلره توجیه »
 « صولت ایلیرک شیرانه تعرضلریله کرمانشاه و همدانی روسلردن تخلص ایدوب »
 « طهران قربته قدر یتشمشدر . »

« مسلمان و قومشو مملکت اولان ایرانك تکمل وترقیسی ایچون لازم اولان »
 « بتون مساعد شرائطی احراز و هر درلو قیود مضره دن آزاده اوله رق مستقل و مرفه »
 « بر حیات اکتساب ایلمسنی کورمک بو حربده تعقیب ایتدیکمز غایه لردن بریسیدر . »
 « شرق حدودمزی تجاوز ایدن روس اردولرینی تمامیه توقیف ایلان او جبهه ده کی »
 « اردومزك دشمنی حدود خارجه آتمق خصوصنده کی وظیفه سنك اجراسنده ده »
 « نصرت الهیه مظهریتی جناب حقندن نیاز ایلرم . »

« بتون عالم اسلامک سعادتى نامنه حرب ایله مشغول اولدیغمز بر صرعه مکه »
 « امیر سابقك دشمنلر تسویلاتنه قاپیلهرق مقام خلافت قارشى رفع لوای عصیان ایلمسی »
 « تأثرمزی موجب اولدی خیاتی تظاهر ایدن مر قومك جزای سزاسنی بوله حغه »
 « شبهه من یوقدر . »

« یمنده کی عسکرلرمزده آنا وطن ایله رابطه لری منقطع اولمقله برابر هر درلو »
 « محرومیتلره قارشى بیوک بر صبر و تحمل کوستره رک مجاهدین ایله برلکده انکلز »
 « اردوسنی عدن ایچنه قدر سورمشدر. امام یحیایک بودفعه ده اظهار ایتدیکی صداقت »
 « وحیت اسلامیه نی ممنونیتله یاد ایدرم . طرابلس غرب مجاهدینی ده مخاطرات کونا کونی »
 « کوزه آلدیره رق اورایه یتیشن ضابطانمزک سوق و اداره سی و جوار مسلمانلرک »
 « التحاق ایله دشمنلرمزه موفقیتلی ضربه لر وورمقده درلر . طرابلس غرب حربندن »
 « بری خلاص اسلام نامه اورالرده دوام ایدن مجاهداتی ده لسان شکران ایله ذکر »
 « ایدر نائب السلطانمزلان سنوسی شیخی السید احمد الشریف پاشایک عزیم و مقاومتی »
 « تقدیر ایدرم . مصرک استخلاصنه مأمور اولان اردوی هایونم چولک قرغین »
 « قوملری اوزرنده اسباب موفقیتنی احضار ایله مشغولدر . وقت مرهوننده جناب »
 « حقا خطه مذ کوره نک تخلصنه ده موفق بیوره جفتی الطاف الهیه دن مأمول ایدرم . »
 « چناق قلعه و کلیولیدن فراره مجبور قالان خصملرمز عاقبتی تحقق ایدن صریلیری »
 « قورتارمق و متفقلمز ایله تیمناً تأسس ایدن خطوط اتصالیه مزى کسه بیلیمک خلیاسیله »
 « اردولرینی اسلانیکه کوندرمک شهر مذ کوری وجوارینی اشغال ایلش ایدی اوراده »
 « موقعی تقویه ایله برابر رومانی و یونانستانى علیهمزه تحریک ایچون مادی و معنوی »
 « بتون جهد و غیرتی صرفده دوام ایتش روسلرک متفق اردولرک دیگر جههلرده »
 « مشغول اولدینی صرهدده غالیچیان تجاوزایله موضعی بعض موفقیتلر استحصال ایلدی »
 « اوزرینه رومانیایی حربه سور و کلیه بیلمشلردر. رومانیایک جنوبندن و شمالندن بیوک »
 « برصولتله ایلرولین متفق اردولر روس و رومن اردولرینی پریشان ایدرک دشمنلرک »
 « بو دفعه ده جانلاناتان امیدلرینی بر هوا ایلشلردر . ضابطان و عسکرلرمزک »
 « دوبریجه و غالیچیا ده دنیایک اک منتظم و اک بهادر اردولری ایله یان یانه »
 « ایتدکلی حربلرده ده ابراز ایتدکلی شجاعت و فداکاری ایله تمایز ایلدی عثمانلی »
 « اردوسنک قلبنده نه بیوک بر غرور ملینک یشامقده اولدیغنی جهانیه بر قاتدها اثبات »
 « ایلشدر. اردو و دونمای هایونمک بو بادره عظماده ابراز ایلدیکی فداکارلنی ثبات »
 « وعزمی هر درلو تقدیره سزا بهادرلنی لسان تحیل ایله بر کره ده یاد ایدر و سجده »

« شکرانه قپانه رق مظفریت نهائیہ ایچون جناب حقندن نصرت وتوفیقات دیلر و بو »
« وسیله ایله ده شهیدایه رحمت غازیله سلامت تمنی ایلرم . »

« قاپیتولاسیونلرک الغاسی اوزرینه مناسبات حقوقیه مزى اوروپا حقوق دول »
« ومعامله متقابلہ اساساتنه توفیقاً تنظیم ایچون مقتضى مقاوله لرك مذاکراتنه متفقمز »
« آلمانیا حکومتی ایله ابتدار ایتیش ایدک . مقاولات مذکورہ نك یقینده انتاجیله برای »
« تصدیق مجلسکره تودیع اولنه ییله جکنی امید ایدرم . »

« شرائط عمومیه واساسیه سى واضع الامضا دولتر جانبندن متوالیاً علیهمزه اوله رق »
« اخلال ایدلدیکنندن طولایى اساساً کأن لم یکن اولوب سبب موجودیتنى غائب ایتمکله »
« برابر آره صره امور داخلیه مزه مداخله ایچون وسیله اتحاد ایدیلان پارس وبرلین »
« معاهده لرینی ده بودفعه فسخ ایتدک . »

« متفقر مزله مناسبات سیاسیه مز کوندن کونه برقات دها تراید ایدن متقابل بر »
« اعتماد وضمیمیت دائره سنده جریان ایتمکده در . »

« کچن سنه کی نطقمده ده بیان ایتدیکم وجه ایله دشمنلر مزه قارشى اولان سیاست »
« مشترکه مز دارالحربک هر نقطه سنده یکدیگر مزه معاونت ایدرک مملکت وملتلر مزک »
« قابلیات مخصوصه واوصاف طبعیه سنک انکشاف وتعالیسنه مساعد برصلحک حصوله »
« قدر حربده ثبات ایتک اوله جقدر . بیطرفلرله اولان مناسباتمز دوستانه در . »
« جهان حربینک مشکلات عظیمه سنه کوکس کره بیلیمک ایچون هرشیدن اول وفاق »
« واتحاده لزوم واردر . مجلسکزک کچن سنه لرده اولدینى کبی انتظام واتحاد خصوصنده »
« ملتہ نمونه امتثال اوله جقنى امید ایدر واحوال حربیه الجا آتیله تنظیم وتودیع ایدیلان »
« لواج قانونیه ایله بودجه واستقراضات قانونلرینک ده سرعتله تدقیق ایدلمسنه انتظار »
« ایلرم . حرب حاضرک اهمیت عظیمه سنى حس وادراک ایله طلب ایدیلان هر درلو »
« همت وفداکارلنى ایشار ایتک صورتیله حمیت دینیه و وطنیه سنى اثبات ایلان ملتکم »
« ودولتمک سلامتته مصروف اولان مساعی مشکوره کزک توفیقات آلهیه یه مظهریتنى »
« تمنی ایله مجلس عمومى نی کشاد ایدرم . »

